



**Inatsisartut aalajangiiffigisassaattut siunnersuut Namminersorlutik Oqartussat ilalissagaat Nunat Avannarliit isumaqatigiissutaat qaffasinnerusumik ilinniagaqarnissamut isersinnaaneq pillugu.**

(Ilinniartitaanermut, Kultureqarnermut, Ilageeqarnermut Nunanullu Allanut Naalackersuisoq)  
(Siullermeerneqarnera)

Siullermik Demokraatiniik Naalackersuisut qutsavingerusuppagut, inatsisissatut saqqummiussaas pillugu.

Ilinniartitaaneq pitsaanerpaaffimminiittariaqarpoq, sooq? Nunaqqatigut pikkorissut suli pikkorinnerulernissaminnut periarfissaqarniassammata. Nunaqqatigut imminut napatissinnaalerlutik, pikkoriffitik nuannarisatillu aallaavingalugit inuussutissarsiorsinnaalerniassammata. Kiisalu meeqqatik ilaqtatillu nammineq pilersorsinnaalerniassammagit. Ilinniartitaanerup isumaa iluaqtissaalu inuiaqatigiinni annerusumik eqqartortariaqarpagut.

Ulluinnarni annerusumik eqqarsaatingineq ajorparput qanoq nunatsinni nunatut pisuussutitigut uumaatsutigut pisuujutinginerluta, ullumikkut atorluangisatsinnik. Ilinniangaqarnerlu qaffakkiartortillugu pinginnaasagullu qaffakkiartortillugit takorloorsinnaavara pisuussutigut qanoq atorluarnerunissaat pikkoriffingiartuaalissagipput.

Nunani avannarlerni ilinniartitaanerlu maani killiffitsinnut sanilliullugit siuarsimaqaat. Tamannali uangut uniffingissanngilarput, akerlianillu ilungersuutingisariaqarparput taakkutulli minnerpaamik pittaatingisumik ilinniartitaanerput aqqissuutissangatsigu. Aningaasat amerlasoorpassuit atorpagut ilinniartitaanermut, angusalli naammanngillat. Ilinniartitaanermi angusat pitsanngoriartornerat naammassisartullu amerliartornerat politikkikkut sinnassaatinginaveersaassavarput.

Aningaasammi atukkagut qiviartariaqarpagut, taakkualu atukkagut ilinniakkamik naammassinnittartut pitsaassutsimillu qanoq inissisimasoqarnersoq nalilersortuartariaqarpagut.

Demokraatiniik peqqinnartuusoraarput periarfissaasariaqavipporlu Nunani avannarlerni ilinniartitaanerlu atuisinnaaneq aammalu killormut. Iluaqtissarpasui taakkartornagit annikittunnguamik eqqaarusuppara Ilinniartuulluni qanoq peqqinnartingissanersaq nunangisap avataanut inissilluni qanoq pissarsiaqaataasinnaatiginersaq. Paasisat nutaat, ileqqut nutaat, pikkoriffiit nutaat, ilaatingullu nunatta iluani aqqitassat annertuut aamma ersarissisarmata nunarput qimallugu aallaruni ilinniartitaanermi sulinermiluunniit.

Taamaattumik una siunnersuut tamakkiisumik demokraatiniik taperserparput.



DEMOKRAATIT  
DEMOKRATERNE

Ilinniartitaanermullu ataatsimiititaliamut ingerlateqqillugu.